

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CXXXIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

Salutem in Servatore Domino.

Quod honestiss. Licentiatorum Theologiæ gradu ornati estis, merito certe vestro factum judico, eoque nomine non tam vobis gratulor, consecutis doctrinæ, pietatis, modestiæ verum testimonium, quam parentibus vestris, nobisq; omnibus gratulor. Nam ad me quoque fructum lætitiæ hujus aliquem, imò magnum pertinere arbitror, devinctum vobis vestræque familiæ modis & beneficiis iis, quibus & vos scitis, & ego non ignoro. DOMINUM DEUM nostrum oro, ut commodum utilemque non vobis modo, sed & Ecclesiæ Scholæque nostræ gradum hunc esse velit. Quæ quidem ambæ ita nunc, quemadmodum & usque huc laborant, ut vestram præsentiam atque auxilium tantum non emissâ voce postulent. Quid enim animi censetis viris bonis esse, cum vobis procul absentibus, hic & ille ita omnia administrant, ut omnia perditum eos ire nemo non animadvertat, nisi qui nihil animadvertit. Ecce enim vobis post Leporinam disputationem, alia portenta verè *θίσια*, ut isti volunt, & planè id, quod tu de istorum fœtu, mi Philippe, disputasti, nominatum Magistrum. Absui tum prope sesquimensem, ut postea narrabo, in patria, sed ille *ψαδάνυμω* Magister stultus, qui ante disputationem visus multis, præclare exagitatus dicitur, cum ab aliis, tum à D. Planero & meo fratre Daniele, qui & mixtionum necessitatem, & sophisticam illam Aristotelo-Platonice Logicam & Physicam exploserant: Gyphanium autem noster ita cum Beuthero locutus est & ita eum tractavit, ut iste palam manus daret, & suarum *θίσια* τὸ *ἰατροβολικὸν* publicè fateretur. Et tamen hic ipse *κατὰς βουλῆς* Havvenreuteri præses fuerat, si præses est aut antecessor, qui in cathedra dormit, dum alii litigant. Proximo Conventu Academico, absente Hero atque me, repugnantibus M. Floro, D. Gyphanio, & aliquam partem Planero, conclusum, decretum, definitum fuit: quia nuper Jureconsulti & Theologi absurda quædam *παιδεία* contra bonos mores, veramque credendi rationem, publicè defendenda suscepissent, non esse deinceps committendum, ut ultra proponantur ad Disputationem materiæ, quas non prius Rector, Decanus, Visitatores, viderint, judicant, approbarint. Quid igitur deinceps D. Gyphanio & me misero futurum arbitramini? Nam ille quidem Concubinarum defendisse accusatur; in mea Disputatione, quam nunc accipitis, ferendum non putant, quod ad auditum verbi etiam *κατὰς γράμματος συζητητικῆς αἰών* τῆς *ἀστρο* astringo. Jureconsulti tertio Collega aucti sunt, Philippo Custosio, Tholosate, qui in patria multis annis & jus docuit, & Parlamenti præses, tum Regis fuit Consiliarius; homine, fatendum est enim, neq; indocto, nisi quod P. Ramum in docendo ferme sequitur, neque nullius experientia atque usus. Is docet trecentis thaleris annuis, cum quidem Calvinismum non dissimulet, sed potius, ut ego arbitror, eo nomine multum sit acceptior. Heri causa non pessimo videtur loco, tum quia ita multa quotidie absurda sunt, ut vel cæcis ap-

pareat, cujus partis studium vehementius sit approbandum, cum quia responsum jamdudum adornatum illud quidem, sed ante dies sex primum Magistratui exhibitum, benignè est acceptum. Itaque puto, cum deinceps ad Conventus Academicos rediturum. De Ecclesia nihil habeo, quod scribam, novi quidem. Illyricus his diebus, & credo hodie, solum vertet. Magistratus præ se fertur sibi exultatione nostra esse satisfactum. In patria miras habui cum Neccaro de Peccato Originis, cum Rupio de Philosophia, & gradibus testimoniorum concertationes, de quibus aliquando coram. Verum quid in patria egerim, scire cupitis? & tu, Philippe, uxorem me vel duxisse vel ducturum brevi arbitraris. Non ita est: neque ejus rei te spectatorem optavi, sed autorem & adiutorem laborum nostrorum, spectatorem autem inertiae & vanitatis illorum. Fuit mihi cum tutoribus meis molestum sane negotium, fratris Jacobi causa, qui hic bonis literis eruditur. Id non nisi coram transigi potuit. Hac igitur de occasione profectus Memmingam quoque transii, ut avum maternum viserem. Isnae reperi vestros & vestras incolumes, qui vobis felicem in patriam reditum optabant. Idem erat Tubingensium votum, per quos Memminga mihi fuit iter. Adamum Neuserum, qui cum Sylvano Heidelbergæ, Arianae heresi subscripserat, certum est Constantinopoli circumcisum & Mamelucum factum. Hi sunt fructus Zvinglianæ doctrinae. Gallus à Rupellis exercitum esurientem & languentem non ita pridem abduxisse ferebatur. Harlemii Belgæ strenuè rem gerunt. Generosus Comes Ottingensis & D. Gallus vos jussèrant per me salutari, cum apud Varnbulerum pranderem, &c. Scio vos non ornatas, sed copiosas literas à me expectare. Ideo quæ in buccam veniunt, fermè congero. Cum hæc scriberem, pro certo mihi nunciabatur, Theurerum, rabulam scripto aliquo, quale ab hoc hominum genere proficisci potest, disputationem meam oppugnasse, atque id nunc inter cives spargi. Salutant vos & gratulantur vobis plerique Pastores & fratres. Meus etiam frater sua officia vobis cupit esse commendata. Hæret hic, dum cum discipulis abeat in Italiam. Valete in DOMINO, Argentorato, die Medardi, 1573.

Vester ex animo totus

Joh. Pappus.

CXXXIV.

S. D. Reverende & Clarissime Domine Superintendens,
patrone colende.

Quod faustum & felix ac salutare tuis Filiis, & toti Ecclesiae & Academiae vestrae faciat Filius DEI, Doctor & Redemptor noster, **JESUS CHRISTUS:**
redo-